



Bosna i Hercegovina
Federacija Bosne i Hercegovine
Zeničko-dobojski kanton
Zavod zdravstvenog osiguranja Zeničko-dobojskog kantona

e-mail: kzzo.ze@bih.net.ba

Broj: 06-45-7349/25 (Z.N)
Zenica, 09.04.2025.godine

Na osnovu člana 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24), direktor Zavoda zdravstvenog osiguranja Zeničko-dobojskog kantona donosi

ODLUKU
o otkazivanju postupka javne nabavke

I

Otkazuje se postupak nabavke usluga magnetne rezonance, pokrenut u skladu sa Pravilnikom o postupku dodjele ugovora o uslugama iz Aneksa II Zakona o javnim nabavkama ("Službeni glasnik BiH", broj 2/23). Obavještenje o nabavci usluge iz aneksa II broj: 108-9-2-6-22-51/25.

II

Postupak se otkazuje na osnovu člana 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24), iz opravdanih razloga koji su izvan kontrole Ugovornog organa.

III

Ova Odluka objavit će se na internet stranici Ugovornog organa u skladu sa Zakonom o javnim nabavkama ("Službeni glasnik BiH", broj: 39/14, 59/22 i 50/24).

IV

Ova Odluka stupa na snagu danom donošenja.

O b r a z l o ž e n j e

U skladu sa Pravilnikom o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH", broj 2/23) donesena je Odluka o pokretanju postupka javne nabavke usluga magnetne rezonance broj: 06-45-3552/25 od 18.02.2025. godine. U skladu sa istim pripremljen je Javni poziv i objavljeno je Obavještenje o nabavci usluge iz Aneksa II broj: 108-9-2-6-22-51/25. Dana 04.03.2025. godine na protokol Zavoda zdravstvenog osiguranja Zeničko-dobojskog kantona je zaprimljena žalba na Javni poziv

Zenica, dr. A.A Borića 28B, tel: +387 32 466 250, fax: +387 32 466 282,

Depozitni račun - KM: IK Banka D.D. Zenica 1340100000002157, Regist. kod: Kantonalni sud Zenica pod brojem U/I-1081, ID UIO: 218306150006 ID PU: 4218306150006, Porezni broj: 05003164,

Poslovnice ZZO:

Breza, Zavnobih-a 2 Tel: 032 789 180
Doboj-Jug, Matuzići bb Tel: 032 699 111
Kakanj, Alije Izetbegovića 50 Tel: 032 557 820
Maglaj, Ilijasa Smajlagića bb Tel: 032 609 151
Olovo, Branilaca Olova bb Tel: 032 828 050
Tešanj, Braće Pobrić bb Tel: 032 656 200

Zavidovići, Branilaca grada bb
Zenica, dr. A. Aska Borića 28b
Žepče, Ulica prva
Usora, Srednja Omanjska bb
Vareš, Zvijezda 6
Visoko, Branilaca Bosne 11

Tel: 032 877 767
Tel: 032 466 250
Tel: 032 880 606
Tel: 032 895 257
Tel: 032 849 070
Tel: 032 731 151

broj: 06-45-3552-2/25 od 18.02.2025. godine, od strane ponuđača Zdravstvena specijalistička ustanova Poliklinika „Vitalis“, Mostar, Vukovarska b.b., zastupani po zakonskom zastupniku direktoru dr.Goranu Đuzelu i odvjetnicima iz Odvjetničkog društva Paponja&Partneri d.o.o.Mostar.

U skladu sa članom 100. stav (5) Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24), Zavod zdravstvenog osiguranja Zeničko-dobojskog kantona Uredu za razmatranje žalbi Bosne i Hercegovine je dostavio Izjašnjenje o žalbi sa kompletnom dokumentacijom.

Ured za razmatranje žalbi Zaključkom broj: JN2-01-07-1-403-7/25 od 04.04.2025. godine je obustavio postupak pokrenut po žalbi od strane žalitelja Zdravstvena specijalistička ustanova Poliklinika „Vitalis“, Mostar, Vukovarska b.b., zastupani po zakonskom zastupniku direktoru dr.Goranu Đuzelu i odvjetnicima iz Odvjetničkog društva Paponja&Partneri d.o.o.Mostar, iz razloga što je isti pismenim podneskom izjavio da odustaje od žalbe.

Međutim u međuvremenu su nastupile okolnosti koje objektivno onemogućavaju dalji nastavak postupka predmetne nabavke.

Tačkom 5. Javnog poziva za nabavku usluga magnetne rezonance broj: 06-45-3552-2/25 od 18.02.2025. godine, između ostalog je navedeno „U cilju smanjenja liste čekanja svi izabrani ponuđači će biti obavezni da ostvare pismenu saradnju sa JU Kantonalnom bolnicom Zenica, iz razloga što ista vodi evidenciju zakazanih termina usluga magnetne rezonance za osigurana lica Zavoda zdravstvenog osiguranja Zeničko-dobojskog kantona (Lista čekanja). Način utvrđivanja saradnje sa JU Kantonalnom bolnicom Zenica će se regulisati Ugovorom. JU Kantonalna bolnica Zenica će svim izabranim ponuđačima krajem sedmice za narednu sedmicu dostavljati spiskove osiguranih lica koja imaju potrebu za magnetnom rezonancom". U pismenoj komunikaciji putem portala Agencije za javne nabavke, Kantonalna bolnica Zenica je izričito navela „da se ne može obavezati na radnje koje su nametnute tačkom 5. Javnog poziva". Naime, Kantonalna bolnica Zenica, kao zdravstvena ustanova koja jedina posjeduje spiskove/liste čekanja osiguranih lica i koja je u skladu sa naprijed navedenom tačkom Javnog poziva bila u obavezi dostaviti spiskove kao osnov za realizaciju nabavke, ne može se obavezati da će iste dostavljati, iz čega proizilazi nemogućnost realizacije predmetne nabavke.Kako Zavod ne može definisati konačan obim usluge bez pomenutih podataka, niti izvršiti kvalitetno i zakonito ugovaranje usluge, nastavak postupka nije moguć. Iz tih razloga , a na osnovu člana 69. stav 3. Zakona o javnim nabavkama ("Službeni glasnik BiH", broj: 39/14, 59/22 i 50/24), koji propisuje da ugovorni organ može otkazati postupak javne nabavke u slučaju postojanja opravdanih razloga izvan kontrole ugovornog organa, donesena je odluka o otkazivanju postupka.

Kada se stvore uslovi za predmetnom nabavkom, Zavod zdravstvenog osiguranja Zeničko-dobojskog kantona će u skladu sa zakonskom procedurom, ponovo pokrenuti postupak nabavke usluga magnetne rezonance.

Pouka o pravnom lijeku: Protiv ove Odluke može se izjaviti žalba u roku od deset dana od dana prijema ove Odluke. Žalba se izjavljuje Uredu za razmatranje žalbi, putem ovog ugovornog organa u pisanoj formi, na način propisan članom 99. Zakona o javnim nabavkama („Službeni glasnik BiH“ broj: 39/14, 59/22 i 50/24)

DOSTAVLJENO:

1x Ponuđači
1x Služba za javne nabavke
1x a/a

